

Ministeriikomitea ávžžuhus CM/RecChI(2018)5 lahttoriikkaide guvllolaš gielaid dehe veahádatgielaid eurohpalaš vuodđogirjji guoskadeamis Suomas

(Ministeriikomitea attii ávžžuhusa golggotmánu 3. beaivve 2018 ministariid sadjásaččaid 1326. čoakkámis)

Ministeriikomitea,

guvllolaš gielaid dehe veahádatgielaid eurohpalaš vuodđogirjji 16 artihkkala mielde,

anedettiin mielas Suoma skábmamánu 9. beaivve furken ratifiserengirjji,

mearkkašettiin vuodđogirjji áššedovdikomitea raportta vuodđogirjji guoskadeamis Suomas,

mearkkašettiin Suoma eiseváldiid doaimmahan vásttaga áššedovdikomitea raportta sisdoalus,

anedettiin mielas, ahte dát árvoštallan vuodđuduvvá Suoma viđat mearreáigeraporttastis addin lassidieđuide, Suoma lágalaččat vuodđudan servošiid ja servviid addin dieđuide sihke dasa lassin áššedovdikomitea riikagalledeamis áigge oazžun dieđuide,

ávžžuha, ahte Suoma eiseválddit váldet vuhtii visot áššedovdikomitea fuomášumiid ja ávžžuhusaid sihke hohpolaččat

1. ain nannejit sámegielalaš oahpahusa maid sámiid ruovttuguovllu olggobealde, earenoamážit mieđihemiin bissovaš ruhtadeami giellabesiide ja rávesolbmuid ohppui;
2. álget lassidoaimmaide sihkkarastit ruona- ja sámegielalaš sosiála- ja dearvvašvuohtabálvalusaid olahttivuođa;
3. lasihit ja buoridit romanagielalaš oahpaheddjiid skuvlejumi, viiddidit romanagielalaš oahppomateriála buvttadusa ja lasihit romanagiela oahpahusfálaldaga;
4. álget doaimmaide lasihit diđolašvuođa Suoma guvllolaš gielain ja veahádatgielain sihke utnolašvuođa daid hárrái.

== =